

# 《海德堡要理問答》上網

「教理問答 (catechism)」問答形式 ê 教義手冊，  
khah ē-tàng 詳細、有條理來詳細說明基督信仰 ê 豐富。

原文、圖 | 陳鳳翔 / 信望愛資訊中心執行長  
台語翻譯 | Lîm Chùn-lòk / 台語信望愛網站主編

## 踏話頭

Chit 幾年，我 tùi 文字工作 hoah 入神學教育界。不斷來親自看 tiòh 而且耳聞 kan-ta<sup>n</sup> tī 教會 á 是神學院上過幾門培訓課程，完全無受過任何訓練，tòh 自稱牧師、傳道、教師 ê 人，甚至掛一个十字架 tòh kā 盾當做教會來開張營業。Chiah-ê 人帶民間信仰 ê 框殼使用聖經，用烏白解釋 ê 方式來傳講偽福音，四界迷惑一堆無清無楚 ê 基督徒 kah 慕道友。

講台頂有 chiah-ê 假牧師、假教師、假先

知，台 á-kha ê 會眾 kin-tòe 用民間信仰 ê 框殼來閱讀聖經。親像先知講 ê 「至 koân 上主講：『你看，日子 teh beh 到，我 beh hō 飢荒臨到 tī chit 所在，飢荒 m̄ 是因為無餅，嘴乾 m̄ 是為 tiòh 無水，tòh 是因為無 thang 聽上主 ê 話。』」（摩八 11，全民台語聖經版本）聽 bē-tiòh 上帝 ê 話 ê 飢荒，chit 種特殊 ê 飢荒臨到現代人。人心「嘴 ta、頭眩」，gōa chē 熱心 ê 人 teh 四界走 chhōe 上帝 ê 話 kah 能力，gōa chē 人真正有聽 tiòh 上帝 ê 話？

## Ng 望得 tiòh 回應

聖經新、舊約總共有 66 卷，對 tú 進入信仰 ê 真理追求者來講，實在 siu<sup>n</sup> 過厚。初信者需要一 kóa kā 基督信仰整理成做簡要、完整 ê 說明信條、信經，thang hō in 真緊來了解，siōng chiáp 看 tiòh ê 是《使徒信經》，m̄-koh，這 kah-ná koh siu<sup>n</sup> 過簡要。「教理問答 (catechism)」問答形式 ê 教義手冊，khah ē-tàng 詳細、有條理來詳細說明基督信仰 ê 豐富。Tòh teh 想，信望愛聖經網站 tang 時 ē-tàng

## 海德堡要理問答



主要課本  
劉清虔著，《海德堡要理問答淺釋》  
臺灣教會公報社出版  
購買電話 06-2356277#122

演講者：劉清虔牧師  
拍攝者：安提阿聖經協會  
圖片提供：123R 圖庫 <http://tw.123rf.com>  
影片後製：信望愛資訊中心義工蔡為凡

《海德堡要理問答》<https://media.fhl.net/liu/> 上網。



初信者需要一 kóa kā 基督信仰整理成做簡要、完整 ê 說明信條、信經，thang hō in 真緊來了解。

有「教理問答」ê 內容，thang 幫贊初信者？

上帝奇妙 ê 帶領，我兩年前受邀請去屏東安提阿聖經協會教授《四福音書》，認 bat 結交 chit 陣熱心 beh 推廣聖經 ê 同伴。In kā 我講聖經協會成立 ê 緣起，是因為真實有 tú-tiòh 假牧師、假教師、假先知所造成 ê 破壞，in 深刻了解聖經閱讀 ê 重要性，立志 beh tī 屏東 chit 塊土地頂面來辦聖經講座，hō 當地 ê 信徒 m̄ 免開錢，m̄ 免辛苦坐車來大都市，tòh ē-tàng 得 tiòh 扎實 ê 神學教育。

In 開過 ê 課程內面 tú 好有《海德堡要理問答》(The Heidelberg Catechism) 課程，in 真意愛 kā 錄影檔案授權 hō 信望愛網站免費使用。演講者 koh tú 好是熟 sài ê 劉清虔牧師，伊 mā 歡喜看 tiòh ē-tàng 用 chit-ê 課程 thang 利益廣大 ê 信望愛聖經讀者。這 kám m̄ 是 tòh 是上帝對我 chìn 前所 òng 望 ê 回應？

### 《海德堡要理問答》上網

劉清虔牧師 ê 講道充滿基督 ê 性命力，kā 上帝 ê 真道清楚闡明，而且 kah-ná 是時代 ê 先



人心「嘴 ta、頭眩」，gōa chē 熱心 ê 人 teh 四界走 chhōe 上帝 ê 話 kah 能力，gōa chē 人真正有聽 tiòh 上帝 ê 話？

知 teh 對基督徒直言勸誡。相信讀完《海德堡要理問答》ê 課程，thang 對基督信仰有一个完整 ê 認 bat。

本課程用 ê 教材《海德堡要理問答淺釋》是劉清虔牧師所著，台灣教會公報社出版。有興趣學習 ê 人 thang ka-kī 去冊房買，thang ná 注意聽道理，ná 做筆記。《海德堡要理問答》<https://media.fhl.net/liu/>上網。